

**SYARAT DAN TATACARA PERMOHONAN  
BIASISWA YANG DI-PERTUAN AGONG (BYDPA) TAHUN 2025**

**1.0 SYARAT-SYARAT PERMOHONAN**

Pemohon yang berminat dikehendaki membaca dan memahami syarat-syarat permohonan BYDPA Tahun 2025 sebelum membuat permohonan. Setiap pemohon hanya dibenarkan menghantar **satu (1) permohonan sahaja**.

Permohonan yang memenuhi syarat serta melepasi saringan lanjut pihak JPA sahaja akan disenarai pendek untuk menghadiri temu duga. **Tiada sebarang rayuan** akan diproses sekiranya pemohon gagal untuk disenarai pendek menghadiri temu duga.

Syarat-syarat permohonan BYDPA Tahun 2025 adalah seperti berikut:

SYARAT-SYARAT UMUM

- (i) Warganegara Malaysia;
- (ii) Berumur tidak melebihi **35 tahun** pada **1 Januari 2025**;
- (iii) Pegawai/ Pelajar yang menghidap penyakit kronik/ berjangkit/ penyakit yang memerlukan rawatan susulan dibenarkan untuk memohon kemudahan program ini untuk pengajian dalam negara;
- (iv) Permohonan untuk mengikuti pengajian ke luar negara dikehendaki bebas daripada penyakit kronik/ berjangkit/ penyakit yang memerlukan rawatan susulan dan disahkan sihat serta berupaya mengikuti pengajian sehingga tamat oleh Pegawai Perubatan. Ahli keluarga pemohon (pegawai awam sahaja) yang dibawa bersama (pengajian luar negara) juga perlu bebas daripada penyakit kronik/ berjangkit/ penyakit yang memerlukan rawatan susulan. Sekiranya laporan perubatan mengesahkan pegawai atau ahli keluarga yang dibawa bersama menghidap penyakit kronik/ berjangkit/ penyakit yang memerlukan rawatan susulan, penawaran kemudahan ini akan dibatalkan; dan
- (v) Pegawai awam yang memohon BYDPA mestilah **tertakluk kepada syarat-syarat umum permohonan kemudahan Cuti Belajar** yang sedang berkuatkuasa.

## SYARAT-SYARAT KHUSUS

- (i) Mempunyai keputusan akademik yang amat cemerlang di peringkat pengajian:
  - (a) Ijazah Sarjana Muda yang diiktiraf oleh Kerajaan dengan **CGPA minimum 3.75 atau kelas pertama** atau yang setaraf dengannya bagi **calon Sarjana**; atau
  - (b) Ijazah Sarjana Muda dan Ijazah Sarjana yang diiktiraf oleh Kerajaan dengan **CGPA minimum 3.75 atau kelas pertama** atau yang setaraf dengannya bagi **calon Ph.D**;
- (ii) Telah mendapat **tawaran tanpa syarat (*unconditional offer*) bagi pengajian secara sepenuh masa** pada tahun 2025 di institusi pengajian tinggi tempatan atau universiti terkemuka dunia yang disenaraikan oleh JPA mengikut bidang pengajian seperti di **Lampiran 1** dan **Lampiran 2** masing-masing; atau  
  
Telah **memulakan pengajian secara sepenuh masa** pada tahun 2025 di institusi pengajian tinggi tempatan atau universiti terkemuka dunia yang **disenaraikan oleh JPA mengikut bidang pengajian** seperti di **Lampiran 1** dan **Lampiran 2** masing-masing;
- (iii) Pengajian bagi peringkat Sarjana adalah **secara mod penyelidikan sahaja** yang mewajibkan penyediaan kertas penyelidikan, disertasi atau tesis;
- (iv) Terlibat dalam **penghasilan kerja-kerja kreatif dan inovatif** seperti penulisan<sup>1</sup>, reka cipta seni atau teknologi dan sebagainya iaitu:
  - (a) **Calon Sarjana:** Penglibatan calon secara aktif adalah satu kelebihan;
  - (b) **Calon Ph.D:** Penglibatan calon adalah **wajib** (calon tiada penglibatan dianggap tidak memenuhi syarat dan tidak akan disenarai pendek untuk temu duga).

---

<sup>1</sup> Penulisan yang dimaksudkan penulisan berbentuk ilmiah seperti jurnal, buku, artikel dan sebagainya.

- (v) Keutamaan akan diberikan kepada calon yang aktif dalam kegiatan ko-kurikulum/ aktiviti kemasyarakatan; dan
- (vi) Perlu menamatkan pengajian dalam tempoh yang ditetapkan. Sebarang pelanjutan tempoh penajaan tidak akan dipertimbangkan kecuali di atas sebab-sebab yang dibenarkan.

Nota : Selain daripada syarat-syarat di atas, pemohon dalam kalangan penjawat awam masih tertakluk kepada syarat-syarat Cuti Belajar yang berkaitan.

## 2.0 BIDANG PENGAJIAN YANG DITAJA

Bidang pengajian yang ditaja di bawah BYDPA adalah:

- (i) Sains, Teknologi, Kejuruteraan dan Matematik (STEM);
- (ii) Ekonomi;
- (iii) Undang-Undang;
- (iv) Kewangan Islam; dan
- (v) Kecerdasan Buatan (*Artificial Intelligence*).

Sub-bidang pengajian bagi bidang-bidang di atas adalah seperti di **Lampiran 3**.

## 3.0 TATACARA PERMOHONAN

Permohonan boleh dibuat dengan melengkapkan borang permohonan secara dalam talian melalui portal <https://bmipenajaan.jpa.gov.my> mulai **3 hingga 28 Februari 2025**. Ruangan perakuan Ketua Jabatan<sup>2</sup> dalam borang permohonan **perlu dilengkapkan oleh pemohon yang terdiri daripada penjawat awam sahaja**.

Borang permohonan yang telah dilengkapkan hendaklah dicetak, ditandatangani serta dikemukakan kepada pihak JPA bersama-sama dengan dokumen-dokumen sokongan seperti berikut:

- (i) **Salinan ijazah pertama** atau setaraf (skrol dan transkrip yang disahkan oleh pegawai berkeelayakan bagi permohonan peringkat Sarjana dan Ph.D);
- (ii) **Salinan Ijazah Sarjana** atau setaraf (skrol dan transkrip yang disahkan

---

<sup>2</sup> Ketua Jabatan yang dimaksudkan adalah sekurang-kurangnya pegawai di peringkat mengetuai sesuatu bahagian di mana pegawai ditempatkan atau bahagian pengurusan sumber manusia di Kementerian/Jabatan/Agensi seperti Pengarah / Setiausaha Bahagian dsb.

- oleh pegawai berkeelayakan – bagi permohonan peringkat Ph.D);
- (iii) **Surat tawaran tanpa syarat (*unconditional offer*)** daripada universiti / institusi pengajian atau **slip/ pengesahan pendaftaran semester pertama** pengajian;
  - (iv) **Salinan sijil, surat atau apa-apa pembuktian / pengesahan penglibatan dalam penghasilan kerja-kerja kreatif dan inovatif** seperti penulisan, reka cipta seni atau teknologi dan sebagainya yang disahkan oleh pegawai berkeelayakan untuk calon Sarjana (sekiranya ada) tetapi **wajib untuk calon Ph.D.**
  - (v) **Salinan sijil, surat atau apa-apa pembuktian / pengesahan penglibatan dalam kegiatan ko-kurikulum / aktiviti kemasyarakatan** yang disahkan oleh pegawai berkeelayakan.
  - (vi) **Kertas cadangan penyelidikan (*Research Proposal*)** dalam **Bahasa Malaysia / Bahasa Inggeris untuk pengajian dalam negara** atau **Bahasa Inggeris bagi pengajian di luar negara**. Panduan menulis kertas cadangan penyelidikan adalah seperti di **Lampiran 4**; dan
  - (vii) Borang **JPA(L)LDP1A/96** yang telah dilengkapkan dan ditandatangani oleh pihak-pihak yang berkaitan – dokumen ini hanyalah untuk pemohon yang terdiri daripada **penjawat awam sahaja**.

Dokumen permohonan yang lengkap seperti di atas hendaklah dikemukakan dan diterima oleh pihak JPA **sebelum atau pada 7 Mac 2025 (Jumaat)** sama ada melalui serahan tangan atau melalui pos ke alamat berikut:

Ketua Pengarah Perkhidmatan Awam  
Jabatan Perkhidmatan Awam  
Bahagian Pembangunan Modal Insan  
Aras 3, Blok C2, Kompleks C  
Pusat Pentadbiran Kerajaan Persekutuan  
62510 PUTRAJAYA  
**(u.p: Unit Pengurusan Penawaran Dalam Perkhidmatan)**

Nota: Dokumen permohonan yang lengkap daripada penjawat awam hendaklah dikemukakan oleh urusetia Panel Pembangunan Sumber Manusia (PPSM)<sup>3</sup> setelah diperakukan oleh PPSM masing-masing. Urus setia PPSM hendaklah mengemukakan pencalonan kepada pihak JPA **sebelum atau pada 7 Mac 2025**.

---

<sup>3</sup> PPSM yang dimaksudkan adalah PPSM yang dipengerusikan oleh Ketua Perkhidmatan masing-masing tanpa mengira Kementerian/Jabatan/Agensi penempatan pegawai kecuali bagi pegawai perkhidmatan gunasama (PTD dan PPSi) yang mana PPSM yang dimaksudkan adalah PPSM yang dipengerusikan oleh pegawai pengawal Kementerian masing-masing sahaja walaupun pegawai ditempatkan di Jabatan/Agensi di bawah Kementerian berkaitan.